

গণপ্রজাতন্ত্রী বাংলাদেশ সরকার  
বস্ত্র ও পাট মন্ত্রণালয়  
বেসরকারিকরণ ও বিরাস্ত্রীয়করণ শাখা  
বাংলাদেশ সচিবালয়, ঢাকা।

বিষয় : বস্ত্র ও পাট মন্ত্রণালয়ের অধীনস্থ দপ্তর/সংস্থার মামলা নিষ্পত্তির কার্যক্রম পর্যালোচনার লক্ষ্যে অনুষ্ঠিত সভার কার্যবিবরণী।

সভাপতি : মির্জা আজম, মাননীয় প্রতিমন্ত্রী, বস্ত্র ও পাট মন্ত্রণালয়।

তারিখ : ২৩.০৩.২০১৫ খ্রিস্টাব্দ।

স্থান : বস্ত্র ও পাট মন্ত্রণালয়ের সভা কক্ষ (কক্ষ নং-১১১৩) ভবন নং-৬, বাংলাদেশ সচিবালয়, ঢাকা।

(উপস্থিত সদস্যগণের তালিকা পরিশিষ্ট-ক তে রক্ষিত আছে)

মাননীয় প্রতিমন্ত্রী উপস্থিত সকলকে স্বাগত জানিয়ে সভার কার্যক্রম শুরু করেন। অতঃপর সভাপতির আমন্ত্রণক্রমে সচিব আলোচনার সূত্রপাত করে বলেন যে, গত ০৯.০২.২০১৫ তারিখে মাননীয় প্রতিমন্ত্রীর সভাপতিত্বে অনুষ্ঠিত সভার সিদ্ধান্তাবলী এতদসংক্রান্ত বিষয়ে বাস্তব ফল লাভ না করা পর্যন্ত Standing instruction হিসাবে অনুস্মরণীয় থাকবে। অতঃপর সচিব, বস্ত্র ও পাট মন্ত্রণালয় বিটিএমসি, বিজেএমসি, পাট অধিদপ্তর -সহ সংস্থাসমূহের নিকট হতে বিগত সভার সিদ্ধান্তের বাস্তবায়ন অগ্রগতি জানতে চান। সংস্থাসমূহ একে একে গৃহীত কার্যক্রম উপস্থাপন করেন। উপস্থাপনের প্রেক্ষিতে স্পষ্টভাবে লক্ষ্য করা গেছে যে, সংস্থাসমূহের অভ্যন্তরে সমন্বিত উদ্যোগ এখনে যথেষ্ট দৃশ্যমান নয়। বিশেষত: তাঁত বোর্ড মন্ত্রণালয় কর্তৃক এ সংক্রান্ত সভা করার পরও মামলা সংক্রান্ত কার্যক্রমের ক্ষেত্রে একই অবস্থানে রয়েছে মর্মে দেখা যাচ্ছে। উল্লেখ্য, মিরপুরে তাঁত বোর্ডের যে জমি রয়েছে তা কিছু স্বার্থাশ্রেষ্টী চক্র ক্রমাগত মামলার পর মামলা করে কুক্ষিগত করে রেখেছে অথচ তাঁত বোর্ড এ ব্যাপারে কোন পদক্ষেপ ই নিতে পারেনি বরং মামলায় এখনো পক্ষ ভুক্তই নয় যা গ্রহণযোগ্য হতে পারে না বলে অভিহিত করণক্রমে অসন্তোষ প্রকাশ করা হয়। বিজেএমসি, বিটিএমসি এর ক্ষেত্রেও সিদ্ধান্ত অনুযায়ী ব্যবস্থা গ্রহণ করা হয়নি মর্মে পরিলক্ষিত হয়। সভাপতি বিশেষত: এক্ষেত্রে উল্লেখ করেন যে, বিজেএমসি, বিটিএমসি এর মামলার সাথে সরকারের কোটি কোটি টাকার সংশ্লিষ্টতা থাকায় সংস্থা প্রধানগণ এক্ষেত্রে প্রয়োজনীয় ভূমিকা রাখা জরুরী। মামলায় সন্তোষজনক অগ্রগতি অর্জনে সভাপতি সংস্থাসমূহকে আরো যত্নবান ও Meticulous হওয়ার পরামর্শ প্রদান করেন।

০২. সভায় বিস্তারিত আলোচনার পর নিম্নোক্ত সিদ্ধান্ত গৃহীত হয়:

- ক. প্রশাসনিক এবং সম্পত্তি সংক্রান্ত মামলা সমূহ আলাদা করতে হবে। প্রশাসনিক বিষয় সংক্রান্ত মামলাগুলো স্ব-স্ব সংস্থা-কে যথাযথ ব্যবস্থা গ্রহণ ও মনিটরিং এর মাধ্যমে নিষ্পত্তি করতে হবে;
- খ. সংস্থাসমূহ সম্পত্তি সম্পর্কিত মামলার বিবরণ এতদসঙ্গে সংযুক্ত 'ক' ছক মোতাবেক পরবর্তী সভার পূর্বেই প্রেরণ করবে। সম্পত্তির মামলাসমূহ অগ্রাধিকারভাবে প্রতিদ্বন্দ্বিতা করবে;
- গ. মামলায় নিয়োজিত বিজ্ঞ আইনজীবী এবং সংস্থার মামলা সংশ্লিষ্ট কর্মকর্তা-কর্মচারীগণের পারফরমেন্স মূল্যায়ন করা এবং তা অব্যাহত রাখা;
- ঘ. কোন মামলার রায় সরকারের বিপক্ষে ঘোষিত হলে যথাসময়ে আবশ্যিকভাবে আপীল দায়ের করতে হবে;
- ঙ. বিজেএমসির নিয়ন্ত্রণাধীন বিক্রিত মনোয়ার জুট মিলস্ লি: এর বিষয়ে কয়টি মামলা আছে এবং মামলাগুলোর সর্বশেষ অবস্থা কি তা পরবর্তী সভায় সংস্থা প্রধান উপস্থাপন করবে;
- চ. যে সকল সংস্থার নিজস্ব আইনজীবী নেই সে সকল সংস্থা সরকারের বিদ্যমান নীতিমালার আলোকে আইনজীবী নিয়োগের উদ্যোগ গ্রহণ করবে;
- ছ. লিকুইডেশন সেল, বিজেসি এবং আদমজী সপ্পে নিয়োজিত আইনজীবীর নিয়োগ পুন: বিবেচনাপূর্বক নতুন আইনজীবী নিয়োগের উদ্যোগ নিবে;
- জ. সংশ্লিষ্ট দপ্তর/সংস্থা প্রধানগণ সম্পত্তি মামলার বিবরণ, অগ্রাধিকার মামলার বিবরণ, নিয়োজিত বিজ্ঞ আইনজীবীর এবং সংশ্লিষ্ট কর্মকর্তা/কর্মচারীগণের Performance মূল্যায়ন সংক্রান্ত বিবরণসহ প্রযোজ্য তথ্যাদি উপস্থাপন করবেন;
- ঝ. বিশেষত: সম্পত্তি সংক্রান্ত মামলা নিষ্পত্তির ক্ষেত্রে সংস্থা প্রধানগণ ব্যক্তিগত উদ্যোগ গ্রহণ করবেন।

০৩. সভায় আর কোন আলোচনার বিষয় না থাকায় সভাপতি উপস্থিত সকলকে ধন্যবাদ দিয়ে সভার সমাপ্তি ঘোষণা করেন।

(মির্জা আজম,এমপি)  
প্রতিমন্ত্রী  
বস্ত্র ও পাট মন্ত্রণালয়, ঢাকা।

### ছক-‘ক’

[illegible]